



Publicaziuns dalla vischnaunca, jamna 44

Invitaziun ad ina sera d'informaziun publica davart treis impurtontas votaziuns communalas dils 27-11-2016

Cu: **Mesjamna, ils 9 da november 2016 allas 20.15**

Nua: Halla Cons, Mustér

Program

1. Presentaziun e discussiun davart il project e credit pigl Ual Val Acletta e la Via Acletta
2. Orientaziun e discussiun davart ils projects dallas Penticularas Mustér e las contribuziuns previdas
3. Participaziun al «Parc Adula»: Presentaziun e discussiun

La suprastonza communal vegn a presentar ils projects e star a disposiziun per rispunder damondas.

Cordiala invitaziun a tuts interessai

Suprastonza communal

Cussegl da vischnaunca

Il cussegl da vischnaunca seraduna **gievgia, ils 17 da november 2016**, allas 19.30 en casa communal.

Tractandas:

1. Regulativ d'indemnisaziun: Revisiun parziala (messadi nr. 51-2013/2016)
2. Lescha santeri: Revisiun parziala (messadi nr. 52-2013/2016)
3. Preventiv 2017 (messadi nr. 53-2013/2016)

Il president dil cussegl da vischnaunca

Suprastonza communal

Repartiziun dils departaments per la perioda d'uffeci 2017/2020

La suprastonza communal per la perioda d'uffeci 2017/2020 ei seconstituida e repartiu suandontamein ils departaments:

Robert Cajacob, president communal

Administraziun, finanzas ed economia

- administraziun/finanzas
- cudisch funsil
- survetsch polizial
- survigilonza giuridica
- turissem
- economia
- persunal

Clemens Berther, gerau

Forestalesser ed agricultura

- menaschi tecnic (lurvatori communal)
- forestalesser
- vias forestalas e funsilas
- agricultura
- meglieraziuns
- Center da sport e cultura

Victor Flepp, gerau

Ambient e segirtad

- dismessa da rumians e cadavers



- deponias ed explotaziun da glera
- purificaziun dallas auas
- santeri
- militar
- polizia da fiug
- protecziun civila
- pumpiers

Jris Lombris, geraua

Sanadad, scolaziun, cultura e sport

- Center da sanadad Puntreis
- Spital regiunal Surselva
- tgira ambulonta
- ovas socialas
- Seniora-Ca
- scolas
- formaziun professiunala
- temps liber
- cultura
- sport

Iso Mazzetta, gerau

Baghegiar ed infrastructura

- uffeci da baghegiar
- vias, illuminaziun publica
- punts e rempars
- traffic
- edificis communalas
- provediment e canalisaziun auas

Administraziun communal

Eleccziuns communalas 2016: Secund scrutini

La suprastanza communal ha giu fixau il termin dils 27 d'october 2016 per inoltrar propostas per l'elecziun d'ina ulteriura persuna el cussegl da vischnaunca. Il termin pil secund scrutini ei vegnius fixaus sin ils 27 da november 2016.

Per l'elecziun d'in ulteriur commember pil cussegl da vischnaunca ei vegniu inoltrau suandonta proposta:

Num:	Jasarevic
Prenum:	Admir
Onn da naschientscha:	1986
Adressa:	Via Acletta 13, Disentis/Mustér
Relaziuns familiaras:	maridau, dus affons
Professiun:	menader da construcziun

Sebasond sin art. 33 dalla lescha davart ils dretgs politics ei in'elecziun tgeua pusseivla tier elecziuns complementaras ed el secund scrutini. Damai ch'igl ei buca vegniu annunziau dapli candidats che posts vacants enteifer il termin fixau, ha la suprastanza communal eligiu ils 31 d'october 2016 en in'elecziun tgeua **Admir Jasarevic** sco commember dil cussegl da vischnaunca per la perioda d'uffeci 2017–2020.

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter sura elecziun enteifer treis dis dapi ch'il motiv da recuors ei vegniu constataus, sil pli tard denton il tierz di suenter la publicaziun officiala. Il recuors ei d'inoltrar alla suprastanza communal.

Suprastanza communal



Cussegl da vischnaunca

Ual Val Acletta, projects Pendicularas Mustér e Parc Adula

En sia seduta dils 25 d'october 2016 ha il cussegl da vischnaunca sut il tgamun da Livio Zanetti decidiu pliras fatschentas.

A caschun dalla sera d'informaziun da gliendisdis, ils 24 d'october 2016 ei la populaziun vegnida informada davart ils projects impurtonts da turissem dallas Pendicularas Mustér e dil Catrina Resort. La gronda participaziun dalla populaziun da Tujetsch e Mustér ha documentau il grond interess. Ils rensuns ein stai fetg positivs.

Ual Val Acletta/Via Acletta

La cumissiun cantunala da prighel ha stuiu surluvrar ils plans da prighel ella vischnaunca da Mustér. Quella revisiun ha giu per consequenza che grondas surfatschas ella zona da baghegiar per liung dils uals ein vegnidas attribuidas da niev ella zona da prighel. Plinavon ein las ustonzas per liung digl ual Acletta buca sufficientas e corrispundan buca allas pretensiuns che sedattan entras il giudichament dalla cumissiun da prighel. Plinavon ei igl uor sin l'altezia dalla staziun da val a Sontga Catrina en in schliet stan. Ina sanaziun dils uors ei muort ils projects turistics dil Catrina Resort vegnida anticipada. Cass cuntrari stuess la sanaziun succeder independent dil svilup turistic enteifer ils proxims onns. Las sbuccadas ella Via Acletta corrispundan buca allas pretensiuns dalla segirtad da traffic. La vesta ei memia cuorta e munta in prighel pils automobilists. Perquei renviescha il cantun quellas sbuccadas. Cun la correctura dalla Via Acletta agl ur digl uor vegn la segirtad da traffic e dil traffic plaun meglioeraus. La correctura dalla Via Acletta ei necessaria pil Catrina Resort e vegn finanziada cumplein-amein entras l'interessenza privata. Perencunter ein ton il passapei sco era las fermadas dil bus local incaricas publicas che vegnan era finanzadas independentamein dalla correctura dalla via entras la vischnaunca ed il cantun.

Ils cuosts per il rempar ein calculai cun frs. 4 679 390.– e la correctura dalla Via Acletta cun frs. 1 000 000.–. La confederaziun sco era il cantun han mess contribuziuns da frs. 1 807 000.– vid la sanaziun dil rempar Val Acletta en mira. Plinavon separticipescha il cantun vid ils cuosts per las fermadas dil bus local. Muort la gronda interessenza turistica separticipeschan las Pendicularas Mustér ed il Catrina Resort cun ina contribuziun totala da frs. 1 522 480.– vid la correctura dalla Via Acletta sco era vid il rempar. Quella finanziaziun unica reducescha marcantamein ils cuosts restonts sin frs. 2 300 000.–. Succeda la sanaziun dil rempar pli tard, ha quei consequenzas finzialas negativas per la vischnaunca. Il cussegl da vischnaunca ha discussiunau detagliadamein il project sco era la finanziaziun da tal. Ils votums dils cussegliers ein stai ordvart positivs. Unanimamein e senza abstenziuns ha il cussegl da vischnaunca approbau il project e concediu in credit da 2,3 milliuns francs per mauns dalla votaziun all'urna.

Projects Pendicularas Mustér

Las investiziuns previdas cumpeglian l'erecziun dil Catrina Resort, dalla colligiaziun Sedrun–Cungieri–Parlet e runal Cuolm da Vi, ennevar il territori da skis (Sontga Catrina entochen Gendusas) sco era l'erecziun d'edifecis al Crest d'Acletta.

Igl ei previu che la vischnaunca separticipeschi cun ina contribuziun vid il project d'ennevar da frs. 2 000 000.–, cun in emprist che vegn tscheinsius ed amortisau enteifer 20 onns da frs. 2 500 000.– ed ina garanzia da deficit vid ils emprists dalla confederaziun da frs. 2 500 000.– che vegn medemamein amortisau enteifer 20 onns. Ils detagls dils pagaments sco era ulteriurs puncts ein reglai en ina cunvegna cugl investur Marcus Weber. Il commerzi indigen ha la preferenza tier prezis da concorrenza vid las investiziuns previdas. Ina gronda renconuschientscha per la participaziun communal ei ch'ils habitonts da Mustér pagan mo pli la mesadad dad oz pigl abbonament da stagiun dallas Pendicularas Mustér. Cun las grondas investiziuns da 90 milliuns francs da Marcus Weber e las Pendicularas dat ei a Mustér niev slontsch, vegnan las pernottaziuns augmentadas, dat ei in considerabel augment da letgs, crescha l'attractivitat da Mustér, vegn manteniu e creau novas plazzas da lavur, san las frequenzas da hosps vegnir augmentadas, vegn dau in signal positiv per tut ils auters menaschis, vegn promoviu il svilup e dau lavur e fadigia al mistregn indigen.

Suenter ina buna e fundada discussiun ha il cussegl da vischnaunca decidiu unanimamein e senza abstenziuns da conceder in emprist da 2,5 milliuns francs che vegn tscheinsius ed amortisau enteifer 20 onns per la colligiaziun Sedrun–Cungieri–Parlet cun impurtar el cudisch funsil in dretg da pègn, da conceder ina garanzia da deficit da 2,5 milliuns francs pils emprists federals che vegnan amortisai enteifer 20 onns ed ina contribuziun da 2 milliuns francs vid il project d'ennevar il territori da skis da Mustér.



Parc Adula

Finalmein suenter grondas e pretensiusas preparativas decida il suveran dallas 17 vischnauncas pertuccadas davart il project dil parc naziunal Parc Adula. La vischnaunca Mustér fa parzialmein part alla zona circumdonta dil parc. Perencunter fan las vischnauncas Medel, Sumvitg, Vrin, Val S. Pieder, Val Rein, Rossa, Mesauc, Blegn, Acquarossa, Seravalle, Calanca part dalla zona centrala.

Cun separticipar alla zona circumdonta dil Parc Adula spiarda la vischnaunca da Mustér nuot. La suprastonza communal quenta fermamein cun in effect positiv davart dil parc sil svilup turistic da nossa vischnaunca e regiun e quei senza augmentar zonas da schurmetg, prescripziuns e directivas. Entras daventar part d'in parc naziunal duei la valeta da nossa bellezza cuntrada muntagnarda vegnir augmentada cun motivar indigens e hosps da tgirar ella cun respect e quita. Duessen nus suenter la fasa d'emproma da diesch onns tuttina haver fatg autras experientschas, havein nus lu aunc adina la pusseivladad da renunziar all'appartenenza al Parc Adula. Aschinavon che la vischnaunca sa enteifer ils diesch onns evidentamein buca contonscher las finamiras – buca prescripziuns – definidas per la zona circumdonta, eis ei era pusseivel ch'il perimeter pertuccau vegn sclaus ord il perimeter dil Parc Adula. Podà ch'ina collaboraziun sur ils cunfins da nossas stretgas vals pudess era fructificar l'economia da nossa regiun e recal-tgar enqual sustegn fiscal supplementar davart dalla confederaziun. Cun 8 encunter 2 vuschs e 2 abstenziuns propona il cussegl da vischnaunca d'approbar il contract dil parc naziunal per l'emprema fasa da diesch onns da menaschi dil Parc Adula (2018–2027), ils statuts e la participaziun all'Uniun Parc Adula (inclusiv reglament da diever per la zona centrala) cun suttametter quella fatschenta alla votaziun all'urna.

Tuttas fatschentas vegnan suttamessas ils 27 da november 2016 alla votaziun dil pievel.

Suprastonza communal

Via Run – Serrada

Muort lavurs da reparatura vid la via d'uaul Run vegn la via serrada naven dils **2 da november entochen ils 15 da november 2016** per tut traffic motorisau. Per tuttas sendas sco era per velos e pedunzs ei igl access da tut temps pusseivels.

Bien engraziament per l'enconuschientscha e capientscha.
Uffeci forestal

Fiera Sogn Martin

Gliendisdis, ils 14 da november 2016 ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn ed eventualmein sin la Via da Scola e la Via Cons.

Las preparativas entras la vischnaunca entscheivan quei di allas 5.00 e la fiera ha liug naven dallas 8.00 entochen allas 18.00. Silsuenter setracta ei da far uorden, quei che cuoza entochen ca. allas 19.00.

Per evitar incaps, supplichein nus las fatschentas el contuorn dils stans da fiera da sche pusseivel buca schar vegnir quei di autos cun pli grondas furniziuns.

Nus engraziein grondamein per la capientscha
Uffeci da baghegiar

Invitaziun Seniors-Ca

Gievgia, ils 10 da november 2016 dallas 14.00–16.00 en Puntreis

Senior/as vegnan activs: la trucca cun temas «da gliez temps ed ussa» vegn aviarta per la secunda gada. Era Caspar Huonder muossa e raquenta ord sia collecziun da fotografias.

Meisa da miezdi organisada da Seniors-Ca e Puntreis

Entschatta: allas 12.15 en Puntreis



Gentar cun treis tratgas inclusiv 3 dl aua dalla spina ed in caffè per 15 francs. Annunzias entochen allas 9.00 dil di a Puntreis (tel. 081 929 56 56)
La meisa da miezdi ei aviarta per mintgin/a. Negin sforz da separticipar suenter all'occurrentza!

*geraua Cecilia Maissen-Desax
persuna da contact*

Clom d'urgenza 118

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat.

Il temps che va aschia a piarder ha ils davos dus onns caschunau la veta a duas personas el Grischn! Plinavon daventan ils donnns cun mintga minuta spiarsa pli gronds. Perquei s'adrebbein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas personas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala

Frauenturnverein Disentis

Unsere Daten für das Line-Dance-Angebot einmal im Monat lauten wie folgt: **Donnerstag, 17. November, 1. Dezember 2016 und 12. Januar 2017** um 20 Uhr im Center da sport e cultura in Disentis. Achtung: das Datum für November musste verschoben werden! Wir laden alle Tanzbegeisterten ein, bei uns hereinzuschauen, Tel. 079 672 50 46.

Uniun da gimnastica da dunnas Mustér

Las datas per nossa purschida Line-Dance inaga per meins ha liug **gievgia, ils 17 da november, igl 1. da december 2016 ed ils 12 da schaner 2017**, allas 20.00 el Center da sport e cultura Mustér. Adatg: Il datum da november ha midau! Nus envidein tuttas interessadas al sault. Mirei en la halla da gimnastica (tel. 079 672 50 46).

*El num dalla suprastonza
Uniun da gimnastica da dunnas Mustér*

Uniun da Kneipp Surselva

L'Uniun da Kneipp Surselva envida sonda, ils 5 da november 2016 allas 14.30 tier in referat cun Katrin Mirocha el hotel «La Furca» a Mustér. Cun la naturopata che ha ina pratica a Trun contemplein nossa medischina veglia cun novs eglis.

Kneippverein Surselva

Der Kneippverein Surselva lädt am Samstag, 5. November 2016, 14.30 Uhr zu einem Vortrag im Hotel «La Furca» ein. Unsere alte Medizin wird neu betrachtet. Ein altes Sprichwort sagt bereits: «Gegen alles ist ein Kraut gewachsen ».



Nus selegrein sin stedia participaziun.

Uniun samaritana Mustér

Nies proxim exercezi meinsil ha liug ils 7 da november 2016 allas 20.00 en la scoletta a Curaglia, organisau entras l'uniun samaritana Medel/Lucmagn.

Thema: Referat cun signur Berther (Spitex Cadi) e signur Deplazes (casa da tgira Puntreis)

Nus s'entupeiin allas 19.30 avon la halla Cons. Selegrond sin ina interessanta sera envidein a stedia participaziun.

Uniun Samaritana Mustér, menadra tecnic

Kloster Disentis

Star-Herzchirurg Prof. Dr. med. Dr. hc. Thierry Carrel im Disentiser Klosterforum

Am **Freitag, 4. November 2016**, um 20.30 Uhr spricht im Peter-Kaiser-Saal der weltweit bekannte Herzchirurg Thierry Carrel über das Thema «Machbares und Wünschbares in der heutigen Medizin».

Herzliche Einladung

Kloster Disentis, P. Urban Affentranger

Uniun da dunnas Mustér

Nus mein comunablamein a teater «Tut mo engulau ». Ina cumedia da Michael Cooney, translaziun romontscha Anna Jörg, reschia Marc Seiler.

Nua: Breil

Cu: **Mesjamna, ils 16 da november 2016**

Partenza: Halla Cons Mustér, allas 19.30

Anunzias: entochen ils 10 da november 2016 per telefon 081 947 52 81
ni per mail tina@ corsinbundi.ch

Sin bien seveser *UddM*

Mats ei turnaus da sias vacanzas!

Praulas e historias cun Mats, la miur

Has ti plascher da vegnir en biblioteca e tedlar praulas e historias? Naturalmein astgas ti era prender cun tei tia mumma ni in'otra persuna. Mats, la miur e nus dalla biblioteca raquitein a ti ina praula ord in cudisch da nossa valischa da surprasas, e quei mintga secund venderdis dil meins dallas 14.30 tochen ca. allas 15.30.

Nus selegrein zun fetg sin tei.

Tgisà, forsa anflein nus mintgatun aunc enzatgei auter che mo cudischs en nossa valischa da surprasas?

Cun ils pli cars salids e sin seveser tochen gleiti.

Mats, la miur ed il team dalla biblioteca popolare Disentis/Mustér e contuorn

Termins:

11 da november, 9 da december 2016,

13 da schaner, 10 da fevrer, 10 da mars, 7 d'avrel,

12 da matg e 9 da zercladur 2017



Biblioteca populara Disentis/Mustér e contuorn

Notg da raquents svizra 2016, venderdis, ils 11 da november 2016, 20.00 en la biblioteca populara Disentis/ Mustér e contuorn.

25 onns agid ord l'aria: Igl anteriur miedi dalla Rega dr. Hans Jacomet raquenta. Dr. H. Jacomet lavura dapi sia pensiun avon otg onns tier l'interpresa Medical AG, la quala tgira egl exteriur pazients che han giu in accident ni ch'ein vegni malsauns. Quella sera informescha el era tgei ch'igl ei d'observar tier ina dimora da vacanzas egl exteriur. Sanadad e segirtad pertuccan nus tuts. Nus selegrein sin biars interessents.

Secziun da catschadurs Péz Alpetta

Sonda, ils 12 da november allas 17.00 ha liug la messa da s. Hubertus en baselgia s. Gions. Suenter messa ei in e scadin cordialmein envidaus ad in apero en halla Cons. Naven dallas 19.15 ha liug per ils commembers dalla secziun da catschadurs Péz Alpetta la sera famigliara el Center sursilvan d'agricultura.

Cordialmein envida
la suprastonza

Tri tra trallala!

Bugen envidein nus tut ils affons cun accumpignament ad in teater da casperet. Il toc senumna «La flura misteriusa» e ha liug **mesjamna, ils 16 da november 2016** allas 14.30 el Center d'agricultura Surselva a Salaplauna. Silsuentar dat ei ina pintga sorpresa pils affons e stiva da caffè. Nus selegrein sin vossa viseta, cars pignets e carschi.

Cordialmein envidan
mummas cun affons pigns
